

Marokanske vlasti zvanično su otvorile najveću solarnu elektranu na svijetu, vrijednu 11,7 milijardi evra.

Elektrana El-Nur ili „Svjetlost“, koja se nalazi na ivici pustinje Sahare, imat će proizvodnju od 580 megavata, što će biti dovoljno za snabdijevanje blizu 1,1 milion stanovnika.

Stručnjaci pretpostavljaju da će se ovim putem emisija štetnih gasova u ovoj zemlji smanjiti za nekoliko stotina hiljada tona godišnje.

„Ovo je veoma bitna stvar za Maroko, ali i cijelu Afriku. Ovakvim projektima preuzimamo ulogu lidera u razvoju obnovljivih izvora energije, ali i zaštiti prirode“, rekao je marokanski kralj Muhamed VI prilikom otvaranja prvog dijela elektrane El-Nur, obećavši kako će se, do 2030. godine, više od 50 posto energetske potrebe ove zemlje zadovoljavati uz pomoć obnovljivih izvora.

Elektrana El-Nur sastoji se od 500.000 solarnih panela, poredanih u 8.000 redova, a osim marokanskih vlasti, novac za izgradnju iste su uložili Njemačka s investicijom od 1,3 milijarde evra, Evropska investiciona banka sa 532 miliona evra te Svjetska banka uloživši 357 miliona evra.

izvor: capital.ba